

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama BiH („Službeni glasnik BiH“, broj 39/14, 59/22 i 50/24), te na osnovu preporuke Komisije za nabavke, a nakon provedenog otvorenog postupka za javnu nabavku roba, Pomoćnik gradonačelnika za Službu za opću upravu i zajedničke poslove, donosi:

ODLUKU **o izboru najpovoljnijeg ponuđača**

Član 1.

Ugovor za javnu nabavku roba – **Nabavka kancelarijskog namještaja za potrebe Grada Tuzla, LOT1 – Kancelarijski namještaj (ormari, stolovi i kasete, dodjeljuje ponuđaču „LARIX“ d.o.o. Doboj, koji je, nakon provedene e-aukcije, dostavio najpovoljniju ponudu u vrijednosti od 30.838,00 KM bez PDV-a, odnosno 36.080,46 KM sa PDV-om.**

Član 2.

Ova Odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

Član 3.

Ova Odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09/11-A-014634-2025 od 30.09.2025. godine.

Postupak nabavke je proveden putem otvorenog postupka javne nabavke, a za koji je objavljeno obavještenje o nabavci broj: 1004-1-1-148-3-234/25 objavljeno na Portalu javnih nabavki dana 09.10.2025. godine.

Postupak javne nabavke provela je Komisija za nabavke imenovana Rješenjem broj: 09/11-A-014634-2025 od 30.09.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke za LOT1 konstatovano je slijedeće:

- da je ukupan broj pristiglih ponuda 6 (šest);
- da je blagovremeno zaprimljeno 6 (šest) ponuda;
- da nije bilo neblagovremenih ponuda;
- da je 1 (jedna) ponuda neprihvatljiva i neparvilna;
- da su 2 (dvije) ponude nepravilne i
- da su 3 (tri) ponude prihvatljive.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač „**LARIX**“ d.o.o. Doboј, nakon provedene e-aukcije, dostavio ponudu sa najnižom cijenom, a koja je u okviru procijenjene vrijednosti predmetne nabavke.

Detaljno obrazloženje razloga za izbor najpovoljnijeg ponuđača, navedeno je u Zapisniku o pregledu i ocjeni ponuda i Zapisniku nakon provedene e-aukcije koji se uz ovu Odluku dostavljaju svim ponuđačima koji su učestvovali u postupku nabavke.

Obzirom da je kriterij za dodjelu ugovora „najniža cijena“ odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema ove Odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za opću upravu i zajedničke poslove
Broj: 09/11-A-014634-2025-LOT1
Datum: 26.11.2025. godine



Pomoćnik gradonačelnika za Službu
za opću upravu i zajedničke poslove

Mersiha Džindo
Mersiha Džindo, dipl. pravnik